

ՋԱՌԻԱՐԻ ՀԱՋԻԵ ԶՆԴԻ



Քրդագիտությունը կորցրեց իր նվիրյալին: 1990 թ. ապրիլին վախճանվեց Հաջիե Զըն-գին, որն իր ողջ կյանքը ի սպաս դրեց հա-րազատ ժողովրդի բանահյուսական ու գրա-կան արժեքների մշակմանը, թողեց գիտական մեծ ժառանգություն, որը լուրջ համարում ունի ինչպես մեր երկրում, այնպես էլ նրա սահմաններից դուրս: Զ. Զնդին ծնվել է 1908 թ. Կարսի մարզի Յամանլալի գյուղում: 1918 թ. Կարսի հայերի և եղիդի-քրդերի հետ թուր-քական յաթաղանից փրկվելով՝ ընտանիքով գաղթում է Արևելյան Հայաստան, ճանապարհ-հին կորցնում է ծնողներին և հայ որբերի հետ միասին կիսում նրանց դառը ճակա-տագիրը:

20—30-ական թվականներին հորհրդային Հայաստանում քրդական ազգային մշակույթի հա-մար ստեղծված պայմանները բարենպաստ էին Զ. Զնդիի մտավոր կարողությունների զարգաց-ման համար: Արդեն իսկ ուսումնարանում և համալսարանական տարիներին նա ակ-

տիվորեն մասնակցում էր քրդերենի դասավանդման, դասագրքեր կազմելու և հարադատ ժո-ղովրդի լեզվի ու գրականության հարցերի մշակման աշխատանքներին:

Հաղվադեպ աշխատասիրությունը և անմնացորդ նվիրվածությունը իր գործին ապահովե-ցին Հաջիե Զնդիի գիտական մեծ ժառանգությունը, որի մեջ առանձնապես նշանակալից է քրդական ժողովրդական բանահյուսության հավաքագրման ու մշակման նրա անդնահատելի վաստակը՝ թե ընդգրկման լայնքով, թե արժեքով: Գրական գործերի՝ պիեսների, վիպակ-ների, պատմվածքների, վեպերի հետ միասին վաստակաշատ գիտնականը կաղծեց մեծ թվով քրդերեն դասագրքեր, այբբենարան՝ իր տասը հրատարակություններով: Զ. Զնդին իրավամբ համարվում է քրդական ժողովրդական բանահյուսության խոշորագույն մասնագետը: Քրդա-կան ինքնատիպ և բաղմահարուստ բանահյուսության մասնագետները երախտագիտությամբ կհիշեն նրա մեծածավալ ու արժեքավոր այնպիսի աշխատությունները, ինչպիսիք են՝ «Քրդ-դական ֆոլկլորը» (1936), «Քրդական ժողովրդական հեքիաթներ» բաղմահատորակը (1961—1987), «Ռոստամ Զալ» էպոսի քրդական պատումները» (1977), ստվարածավալ «Քրդական ժողովրդական առածներ և ասացվածքները» (1987) և այլն: Հաջիե Զնդին թողել է գիտա-կան հետաքրքիր մի շարք այլ ուսումնասիրություններ. հիշարժան են «Շեքսպիրը և քուրդ իրականությունը» (1975), «Ե. Մառը և քրդագիտությունը» (1948), «Լև Տոլստոյը քրդերի մասին» (1953), «Պուշկինը քրդական դրականության մեջ» (1949): Մեր 150 աշխատանքների հեղինակը առանձնահատուկ տեղ էր տալիս հայ-քրդական բանահյուսության, գրական և այլ կապերին [«Ե. Արովյանը քրդական ֆոլկլորի մասին» (1948), «Հովհ. Թումանյանը քրդերի մասին և քրդական գրականության մեջ» (1961), «Հայ և քուրդ ժողովուրդների բարեկամու-թյան արտացոլումը ժողովրդական բանահյուսության մեջ» (1965), «Մեսրոպյան գրերը և քրդական մշակույթը» (1962) և այլն]:

Զ. Զնդին քրդերեն է թարգմանել Գ. Սունդուկյանին, Ալ. Շիրվանզադեին, Վ. Փափաղ-յանին, Գ. Դեմիրճյանին, Ավ. Իսահակյանին, Սայաթ-Նովային և շատ ուրիշների: Նա ան-հուն երախտագիտության ղգացում ուներ հայ մտավորականության և հատկապես նրա մե-ծերի նկատմամբ: Այդ կապվածությունը և վարձահատույց լինելու անկեղծ պատրաստա-կամությունը աննկատ չի մնացել և, թերևս դա պատճառներից մեկն է, որ Զ. Զնդին բարձր

Լին գնահատում հայ նշանավոր մտավորականները, գրողներն ու բանաստեղծները, իր երկերի ժողովածուն Ավ. Իսահակյանը Հ. Զեղինն է նվիրել հետևյալ ընծայականով. «Սիրելի ընկեր Հ. Զեղին՝ լավագույն ապագայի սրժանի քուրդ եղբայրական ժողովրդի լավագույն, անձնվեր մշակինս, Հովհաննես Շիրազը ՌՍԻԱ-մանթոն և Խջեղարեա պոեմը «բազմահմուտ գիտնականին» է նվիրել նրան բնութագրող բանաստեղծական խոսքով.

Աղնիվ հոգի է Հաջին Զեղին,
Ոսկի կամուրջ է իրենց և մեր մեջ,—
Քուրդ Արուստան է, անմահ է Զեղին,
Կանթեղ է անունն հավիտյան անշեջ՝
Իմ Արագածի կանթեղի նման,—
Նկ, լույս տանք մինչև Սրմանց և Սիփան...

1937 թ. Հ. Զեղին ենթարկվեց ուսման համար հայտնաբերված հայ մտավորականների, մասնավորապես Հ. Քուրդի հոսանքին ջանքերով, Հիւրավոր, հարգատ ժողովրդի մեջ մեծ սեր և հարգանք վայելող գործիչը ակնառու հեղինակություն ունեւր նաև հայ մտավորականության և ընթերցող հասարակայնության լայն շրջաններում: Գիտութլանը մատուցած մեծ ծառայությունների համար նրան գիտության դոկտորի աստիճան է շնորհվել առանց դիտարկումների պաշտպանության: Պրոֆեսոր էր, Հայկ. ԽՍՀ գիտության վաստակավոր գործիչ, Իրաքի ԳԱ թղթակից անդամ, Փարիզի քրդական ուսումնասիրությունների և մշակույթի ինստիտուտի հիմնադիր անդամ: Պարգևատրվել էր մի շարք շքանշաններով և պատվոգրերով:

Հ. Զեղին անհատականություն էր բառիս իսկական իմաստով, և այդ անհատականությունը դրսևորվում էր իր գործին մոլեռանդ նվիրվածությամբ ու բացառիկ աշխատասիրությամբ, ճշմարտությանը և ճշտապահությանը, տրված խոսքին հավատարիմ մնալու ներքնապես հատուկ մի կամքով: 30—50-ական թվականների բարդ և դրամատիկ ժամանակաշրջանում այս նկարագիրը մարդու լավագույն հատկանիշների անվիճելի վկայությունն է:

Հաջին Զեղին ինքնատիպ և խորապես մարդկային նկարագիրը նրան միշտ հիշելու և գնահատելու կայուն հիմք է տալիս:

Շ. Խ. ՄՀՈՅԱՆ
ՀԽՍՀ ԳԱ քղթակից անդամ